

東臺縣志卷之二十 傳一

名宦 職官

宦匪求名惟名考實位有高卑道濟則一蒲密之
化堪幹之績來慕去思乃不失秩張詠桑陰桓寬
鹽筴願後來者無媿斯册志名宦

南朝

劉善明宋太始中守泰州郡境邊海無林木善明課人

種榆檟後獲其利 泰州志

隋

賀若弼洛陽人開皇元年為吳州總管與史太歲韓擒

東臺縣志

卷之二十 名宦

一

虎帥兵同至海陵征捕海寇八千郡人念其功立祠

忠義河側

晏溪志 辨已
見祠祀及冢墓

唐

劉晏字士安曹州南華人廣德二年為江淮轉運租庸
常平使晏理鹽鐵惟置官於出鹽之鄉取鹽戶所煮
鹽鬻於商任其所之不出鹽州縣不復置官曰官多
則民擾其始江淮鹽利不過四十萬緡季年六百餘
萬緡末年更逾十倍而人不厭苦古今稱善理財獨

歸晏云 唐書

李承趙郡高邑人大歷中為淮南西道黜陟使諳悉民

事創爲捍海堰自鹽城南入海陵綿亘百里今永賴

之泰州志

五代

褚仁規字可則廣陵人仕吳爲海陵鹽監使兼縣事勤幹敏給所部魚鹽竹葦之地財用所出國家每有大役常賦不能給使吏視民家所有舉籍取之事訖則以次償補無有逋遺民無怨者南唐昇元元年以海陵爲泰州遷仁規爲刺史政如故馬令南唐書

宋

王天祐宋開寶中知泰州事增修海堰晏溪志

東臺縣志

卷之二十名宦

二

徐的字公準建州建安人累遷淮南江浙荆湖制置發運副使奏通泰州海安如皋縣漕河詔未下的以便宜調兵夫浚治之出滯鹽三百萬計得錢八百萬緡遂爲使遷工部郎中復治泰州西溪河發積鹽加直

昭文館宋史

呂夷簡字坦夫萊州人眞宗時監西溪鹽倉宋史

晏殊字同叔撫州人嘗官泰州西溪鎮旣去民思之不

忘改名晏溪有書院係殊創建嘉靖府志

韓琦字稚圭相州人仁宗朝以侍中知泰州設條教葺帑廩治武庫勸農興學民樂其愷悌愛慕之如父母

在州治臥病夢以手捧天者再其後受顧命立英宗
執政三朝如其夢云

泰州志

張綸字公信潁州汝陰人爲江淮發運副使泰州捍海
堰久廢不治歲患海濤冒民田綸議修復論者難之
綸表三請願身自臨役命兼權知泰州卒成堰復逋
戶三千六百州民利之爲立生祠

宋史

范仲淹字希文蘇州人初監泰州西溪鹽倉時海堰久
廢鹵水時入田不可耕仲淹具書白發運使張綸綸
奏上以仲淹令興化董其役會仲淹以憂去猶遺書
於綸勸綸勿撓旁議卒成堰延數百里民爲立張范

東臺縣志

卷之二十 名宦

三

祠祀之後入朝遷右司諫值江淮旱蝗仲淹請遣使
巡行未報乃請閒日宮 半日不食如何帝惻然乃
命仲淹安撫江淮開倉賑恤又奏蠲折役茶江東丁
口鹽錢蓋江淮民始終蒙其惠焉

泰州志

胡令儀陳留人至道中以大理評事令海陵時江淮內
屬未久吏姦民鬻凌弱暴寡令儀先令後刑無少假
貸吏民憚之迨仲淹請築捍海堰甫役會大雨雪役
夫多死譁言堰不可成朝廷遣中使按之將罷其役
又遣令儀爲淮南轉運使按究役之可否令儀嘗令
海陵熟知潮患於是力主仲淹議堰成民卒利之州

人合祀於張范二公之祠爲三賢祠

泰州志

宗諒字子京河南人與范仲淹同登進士第歷泰州從事時仲淹爲鹽官同護海堰之役遇大風至卽夕潮上兵民驚逸吏倉皇不能止宗諒神色不變緩說利害衆意乃定

採范文正公集

富弼字彥國父言天聖中嘗監泰州稅務弼隨任寓茅由景德禪院讀書與胡翼之周春卿相友善時范文正爲西溪鹽官見弼器之曰王佐才也弼初名皋晏元獻謂文正公曰吾有一女君爲擇壻文正曰必求國士無如富皋者元獻妻之後治平二年來任泰州

東臺縣志

卷之二十 名宦

四

軍事通判常造舟備寇鑿海灘以藏舟至今人呼鄭

公灘

參嘉靖府志泰州志

趙抃字閱道衢州人仁宗朝令海陵崇學校重師儒不立異政因俗施教惟以惠利爲本

泰州志

馬尚建炎三年通判泰州修築城壁增廣濠池時巨寇王琳嘯聚境上持閭邱勅帖欲入領州事尚察其僞不納琳圍城尚晝夜巡禦募敢死士千人開城出戰殺獲甚衆相持四十二日賊薄城者五六終不能犯紹興元年以通判進知泰州招徠流民墾闢鹽場境

內以饒

雍正府志

岳飛字鵬舉相州人建炎四年爲通泰鎮撫使知泰州時金攻楚州詔遣飛行飛屯三整卽今三梁鎮也金兵陷楚州詔飛通泰可守則守如不可守但隨所在保護百姓伺便掩擊飛以泰無險可恃退保柴墟戰於南壩橋金人稍卻渡百姓於沙上以精騎二百爲殿金人不敢近今柴墟鎮有臭溝子頭或云飛所殲金兵處也後州人建祠於城中之泰山

泰州志

張榮建炎間與賈虎等領義軍由梁山泊與金人轉戰南下至於承楚時金監軍撻懶在泰州承楚義軍伺隙劫之屢捷榮謂泰州承楚內地泰州復則承楚無

東臺縣志

卷之二十 名宦

五

不復於是決策先復泰州與敵遇於秦潼村佯敗引舟退入縮頭湖殺獲甚衆生擒三百人撻懶收餘黨在泰者一夕奔楚州劉光世上其事明年遂知泰州

泰州志

徐子寅乾道中知泰州事修治海堰議分鹽場各官其境以防堰隄

嘉靖府志

張子正淳熙初知泰州事州之東捍海堰圯於潮子正就舊基修築其外附鹽場竈所又別爲隄岸避潮以防廢壞不計工費唯取堅實官帑不足益以私財後喪於公所河口有張古老塋梁至今猶存

嘉靖府志

魏欽緒淳熙中知泰州事完整海堰施功堅固後人無

事屢修

嘉靖府志

陳之綱字仲宏崇德人慶元初令海陵時范公隄久頽

潮汐衝突有害農畝之綱請於郡修治躬董其役弗

憚寒暑視昔益固

嘉靖府志

施宿字武子吳興人爲常平使嘉定以來屢修海陵城

垣不成朝以委宿宿申乞耗鹽袋錢及置窑百座并

乞兵夫修築廣厚視舊有加復建惠民倉並藥局紹

定元年守陳垓以其有功於海陵繪像於景賢堂

採春

雨草堂集

東臺縣志

卷之二十 名宦

六

朱冠卿紹定末爲運提舉奏捍海堰損甚檄官同視復

修治之

晏溪志

文天祥字宋瑞廬陵人德祐二年天祥旣爲伯顏所執

自鎮江夜入眞州聞李庭芝在揚聽謀者言備之

甚急乃東入海道遇元兵伏環堵中得免然饑莫能

起從樵者乞得餘糝羹行入板橋元兵又至衆走伏

叢篠中兵入索之執從客杜滸金應去滸應以所懷

金與卒得逸有二樵者以簣荷天祥至高郵嵇家莊

嵇聳延至家遣子德潤送至泰州自泰州過海安如

皋舟與追騎常相距時有朱省二者方受敵命宰如

臯公不知而過之既聞懼不免值張阿松留宿五日
聞追兵至阿松遣二子戴以葦笠衛送至通州泛海

去採指
南錄

明

黃通理河南密縣人永樂初任泰州判官施設有方創

建魚行秦潼西溪三閘泰州志

王思旻湖廣黃岡人正統中任泰州判官九載擢本州

同知修州治造廣運望江二橋置預備倉廩八十間

凡在境內無不經畫嘉靖府志

陳志字惟學順天薊州人成化中知泰州築范公隄修

東臺縣志

卷之二十名宦

七

學校建書院嘉靖府志

彭福字綏之江西南安福人成化中知泰州額制秋稅豆

糧民輸於場候支經年輒腐折更徵補公畫折價議

豆石折銀三錢草每包折銀三分詔下定制遵行雍正

府志

王臣字公佐江西南昌人嘉靖初知泰州愛民如子加

意生徒首聘王良講學士論翕然宗之濬關河寬徭

役移預備倉行保甲連坐法撤淫祠銷銅像以鑄文

廟尊劔增修樂器選樂舞生供祀廟庭創尊經閣立

范文正胡安定祠立社學四所曰端本慎初立誠養

正政成教行里巷皆弦歌焉參雍正府志 泰州志

黎堯勲四川樂至人嘉靖中自如皋令擢任泰州念田賦不均豪家悍竈兼并為患疏請於朝辨田之肥磽派稅之多寡分上中下三則迄今稱不刊之典泰州志

張景賢號明崖四川眉州人嘉靖三十三年始建海防兵備副使以景賢為之甫任倭寇大至自出督戰懸重賞募死士授以火攻方略一鼓殲之綜核振刷軍政肅然康熙府志

馬慎字自修直隸大城人嘉靖中為海防道島寇內侵至城下慎嬰城以守後遁去進擊於狼山敗之泰州志

東臺縣志 卷之二十名宦 八

劉景韶字子成湖廣崇陽人嘉靖中備兵揚州時倭寇縱橫沿江焚劫越通州而西景韶擐甲誓眾直攻賊營順風縱火自辰至午數十戰皆捷斬賊首一人眾遂潰水陸之師追襲之賊欲分我兵力先後繼進自廖角嘴入者出丁堰殲之於曹家堡潘莊自青墩港入者出西亭殲之於小麥港新河口白蒲餘孽徑趨廟灣合諸軍大破之先是三沙有賊千餘焚劫江南官軍失利假舟潛渡寇通州乃檄諸軍敗之於舊場敗之於仲家莊又敗之於茅花墩江北之賊悉平奏擬平倭功第一官至都御史各郡立有生祠徐嵩祠記略

傳希摯直隸衡水人隆慶初任揚州兵備道時倭奴蹂躪後邑里蕭條武備多闕因相度險要沿海濱膠角嘴等三十六處巡緝戒嚴增艖艘利器械募竈勇數千以充守禦開屯田給其軍糈自是倭氛遂息

泰州志

李裕字知泰黃岡人萬曆中知泰州時興泰久被水患士民訴諸巡按請開海口有鹽場豪民陰爲把持議不決裕親爲周覽詳具事宜遂濬丁溪場龍開港而淤溪秦潼西溪及串場河水由以宣洩阡陌皆復民

甚賴之

事載陳應芳浚龍開港記

胥遇字際明四川眉州人萬曆中任兵備道初至問民

東臺縣志

卷之二十名宦

九

疾苦知困於水患卽檄守令分勸下流東濬三場穿范隄達苦水洋牛灣河入海北疏兩河從葫蘆港夏糧河達新豐市入海上流湖水泛溢則闢惠政橋引趨芒稻河南注於江授期興役次第舉工民賴其利郡人爲立碑屬凌中丞記之

泰州志

劉應文直隸東光人萬曆中知泰州先是民竈悉統於州竈戶糧輕徭寡民戶糧重徭多奸民多竄入竈籍以避役催科令下竈丁例不之官有保家代爲輸納胥吏交窟穴其中官不能詰任其乾沒及逋賦莫出則仍責代償於民民重困應文洞悉其弊請於上官

初狃成議意難之奸竈又愬於巡鹽御史右袒竈戶
事格不行應文率士民力爭之年餘乃得請於是分
民竈爲二民賦徵於州竈課徵於場民竈之分自公

始參康熙府志
新鹽法志

崔國裕字充吾陝西長安人萬厯中知泰州催科不施
鞭扑輸者恐後凡厥里徭役杜胥保侵漁之弊民有
宿逋悉請蠲之招徠流移復業者四千餘戶康熙府志

鄭國俊字養冲山西解州人萬厯季年任兵備道揚屬
故利煮海私鹺不可勝詰當事者條議行官鹽法報
温飽之家爲鋪戶令出資買引置鹺而市於民因比

東臺縣志

卷之二十名宦

十

閻稽戶口給票買之以杜私販其法格不可行且有
奸胥寄其中爲蠹滋甚民泣陳不便遽歎曰此食鹽
何可强也卽議寢之自是境中民無沿門給票之擾

泰州志

周汝璣字柱瀛河南商邱人天啟初任兵備道憫泰州
民竈合徵錢糧混淆有司坐累毅然以分竈力請於
當道推竈糧於鹺司設法徵解泰州志

李學旻字本仁江西臨川人天啟中知泰州泰壤多鹽
場濱海盜藪有巨豪爲之窟穴學旻設計擒其魁脅
從者解散境內以安在任一載被劾去官士民號泣

奔送者百里不絕

康熙府志

向孔門字二丹湖廣宜都人天啟中知泰州釐奸剔弊發伏如神海上大盜王虎子爲亂白晝戕人結捕役爲腹心無敢聲言者公謂盜不靖捕役居奇之咎也但責成捕役刻期擒獲獲後猶多方營謀幾得脫公力持之卒正典刑安豐士民立祠祀焉是時州人季孝廉大來爲諸生運籌之力居多祠成袁九潔立碑記其事

泰州志

來復字陽伯陝西三原人天啟中任兵備道不附權

時海上大盜王虎子連年嘯聚數千人有司不能詰

東臺縣志

卷之二十一 名宦

十一

復縱反閒離其黨皆自駭散走江上就執之

參康熙府志泰

州志

國朝

周亮工字元亮河南祥符籍江西金谿人順治三年以御史招撫兩淮尋授鹽法運使力請削舊餉行新鹽商困盡蘇課因以裕擢海防兵備道時地方初定告密者多海陵有點奴密告宦室謀反狀趣治兵捕之亮工偵知其妄全活甚衆安豐吳嘉紀窮而工詩名未著亮工特推重之爲梓其集以行

康熙府志

趙汲字潤宇遼東錦州人順治中知泰州首擒劇盜游

三游四等濬市河修學宮代貧民完漕欠以除宿累

州疊被水災田盡沒汲屢請蠲恤民賴以安康熙續府志

李培真字仲孺河南夏邑人順治中爲揚州兵備副使

時海寇猖獗姦民朱祺聚衆千人爲內應培真秘授

方略立擒賊首

河南通志

王士禎字貽上山東新城人順治末任揚州司理讞海

寇重案多所全活

山東通志

李世傑字雲巖貴州黔西人父植爲富安場大使世傑

幼隨任乾隆二十二年由佐貳官擢泰州知州精勤

廉敏剔弊鋤奸泰之下河田倍於上河遇大水輒爲

東臺縣志

卷之二十 名宦

十二

巨壑世傑請於大吏自鳳尾橋下達東淘築隄數百里水不爲患每數里置一橋橋有堡沿隄種柳垂蔭以庇行旅建海安百子橋涵洞官至兩江總督入爲

尙書

新府志

沈元暉浙江錢塘人乾隆二十七年任東臺水利同知清廉嚴正人不敢干以私巨猾某武斷鄉里親自訪獲公餘日坐廳事後有赴愬者卽喚入面爲判以是案無留牘民家有狐崇白元暉元暉爲牒城隍神限五日逐之去狐遂絕跡以東臺地廣訟繁力請設縣

其議蓋自元暉始

新增

王鎬字介巖浙江會稽縣人乾隆三十一年知泰州事
以地廣難理分州境設東臺縣由鎬發之

新府志

職官

知縣

王玉成字樸菴貴州畢節縣人舉人乾隆三十三年任
泰州海疆多悍民故設縣令以資彈壓玉成至爲徙
其魁某餘皆不令而從設經舍課生徒草創措置
有條理去之 父老塞路涕泣送之

涂龍字振初雲南景東廳人舉人乾隆四十一年任
才識明敏爲政以教化爲首務立學校倡建

東臺縣志

卷之二十 職官

十三

文士民樂於從事一時輸萬餘金惜工未竣而被劾去
官終灃州 知州

曹恒字蘭菴順天宛平縣人監生乾隆四十五年任才
略過人遇事卽決胥吏無敢作奸者盜賊屏跡綱紀
肅然官至淮揚兵備道

王逢源字春涯順天宛平縣人監生嘉慶元年任精明
有斷才嚴賞罰吏胥懼服境有命盜案牘輒扁舟徑
往先已洞悉情形不容隸役爲奸遇貧民尤有恩一
切詞訟不株連無辜捐養廉銀五百兩倡諸紳士建
明倫堂士林誦之今陞任常鎮通道

徐崇烱字西河浙江西安縣人舉人嘉慶六年任慈惠
寧靜簡於用刑獄訟以息嘉慶十年運河隄決邑被
水災士民感其教踴躍輸數萬金煮粥糶穀以活災
黎大吏能之稱爲吏治第一又倡建西溪書院公暇
輒爲詩有蓮湖詩草六卷

姚兆昌字醇菴順天大興縣人考職嘉慶十三年任性
醇厚爲政務恬靜時值修府志采訪邑事東臺分縣
四十餘年尙無志捐廉二百金設局延邑中士博徵
文獻志稿未及成以事去

訓導

東臺縣志

卷之二十

職官

十四

翟燾安徽涇縣人廩貢生乾隆四十四年任履任時
文廟初成禮器儀制未備燾次第增置典史某與學生等
構釁邑宰已通揭矣燾直白大吏力辯其誣事得寢
吳昌齡字壽泉安徽涇縣人優貢生乾隆五十四年任
己酉領鄉薦在官十九年勤於職嘉慶十年十一年
襄縣令散賑善規畫饑民德之上官嘉其能以保薦
去戊辰成進士選庶常今官吏部員外郎

典史

姚益澍浙江歸安縣人監生乾隆五十三年任性廉謹
雖微秩不肯以聽請妄責一人見人輒與談先儒格

言同寮稱爲道學後卒於官士民惜之

分司

明

徐鵬舉字九霄四川瀘州人進士宏治二年任先是工部主事夏英禮部侍郎李嗣俱言運判當以進士英俊者爲之故鵬舉始以進士除判官於所部鹽場立社學延明師教竈民子弟自作學訓示之葬祭禁不用浮屠清蕩地集逋竈亭民安焉暇日則采錄文獻與東臺梅金創修十場志及運司志未及成陞太僕寺丞去

東臺縣志

卷之二十 職官

十五

周汝登字繼元浙江嵯縣人進士萬歷十八年任初爲南京工部主事以權稅不如額謫官卹竈民興醵務建泰東書院置社田僦社店敦聘師儒倡明理學海濱風俗爲之一新

尹希孔字以時上元縣人駙馬恩廕萬歷三十五年任濬治運鹽河出俸錢修葺王良祠結理學會

雷過字震甫四川井研縣人監生萬歷四十年任修社學課又藝考勵十場士子撫循亭戶風裁凜然人莫敢干以私

蔣德望字民望浙江義烏縣人監生萬歷四十六年任

清苦自持凡有襁蝗祈雨之事必竭其誠以左遷去
竈民數千泣而送之

徐光國字瑞徵浙江常山縣人附監生天啟二年任在
任多惠政革耗羨禁勾攝濬運鹽河便民河修葺三
賢祠以時按部必申明比閭族黨之訓以厚風俗因
前此徐鵬舉創修志書未成光國特續加訪輯爲中
十場志四十二卷至今典故可徵不至湮滅者公之
力也

顧嘉興山東人監生崇禎元年任凡興革有關利病者
舉行不遺餘力自處廉約一切耗羨所餘秋毫無取

東臺縣志

卷之二十 職官

十六

市物悉與平價前此票牒索供應派牙僧輪值諸弊
一切除之每當出行部居民結綵盈衢家連戶接小
兒歡呼擁輿者十百爲羣分司官舊不行迎春禮自
嘉興創之遂爲定例隆慶中西蜀馬會官此始築東
臺土城公謂既有城庸可無城隍之神爰建其廟從
此春秋出郊祭厲壇如州縣故事去任後民竈德之
爲肖像以祀焉

周際明湖廣人舉人崇禎五年任精勤任事諸廢畢舉
特建鼓樓於署東暇日與儒生論文賦詩考道問業
歲試其才而甄別之在官一年出納折課以百萬計

於耗羨不取一錢謝事囊無長物惟圖書數篋士民
爲建祠於何阜榜曰甘棠遺愛

張世涵江西臨川縣人舉人崇禎七年任居官持大體
馭胥掾寬猛兼濟尤能待之以禮故人自愛而重犯
法居恆必整飭威儀每出廳事班聯上下衣冠肅如
也刑清訟簡民愛而畏之未幾移疾去惜未竟其治
云

卓爾康浙江人舉人崇禎十年任素有才望甫下車卽
巡視城垣而修葺之建樓櫓於四門之上崇禎庚辰
旱蝗相繼公爲特建八蜡廟於司署之西竭誠祈禱

東臺縣志

卷之二十

職官

十七

蝗不爲蓄

王鼎新山西人進士崇禎十一年任當崇禎戊寅旱蝗
連四載赤地千里米斗白金五錢麥石一兩八錢人
民大困餓殍載道公多方撫恤謁告大吏請停催科
勸富室蠲糧賑饑盜賊竊發設方略以弭之境內以
安

徐伯徵浙江常山縣人進士崇禎十四年任由揚州府
左遷安之若素其治一以寬仁爲本勸民息爭訟訓
誨諄諄如家人父子遠近化之皆相戒無溷乃公故
案牘絕簡閒有赴訴者不務拘攝令其自至及聽斷

片言剖決兩造俱服民輸將恐後不忍逋欠幾於刑措善法書有求者隨手以應從不拒人未幾被劾罷去人咸寃之

張宏弼山東霑化縣人進士崇禎十六年任才幹敏贍於判事尤明允遠近稱爲鐵筆

國朝

王雉鼎字寶拙河南孟津縣人舉人順治二年任時值新昌王煽亂安豐兵燹甫定人情惶惑竈民多流離失所公至多方勞來俾復其業凡從前供應火耗之類悉與除免米鹽蔬茹皆平價市之時修築城堡以

東臺縣志

卷之二十 職官

十八

嚴守禦歲饑出俸錢市粟以賑貧民馭下和緩從不以暴怒咎人嘗出廳事張蓋者觸檐瓦墮中背其人惶懼失色雉鼎被創者累日了不爲意其仁厚如此朱之瑞奉天義州人貢生順治五年任始蒞任不諳吏治一月後卽洞達機務庚寅冬土賊陸成之聚衆千人夜攻官署時變出倉卒民皆徒手莫敢前之瑞獨出操弓挾矢手刃成之衆乃潰餘孽皆以計勦除令行禁止吏胥抱文案毋有敢上下其手者商竈安業賦無逋焉後十年爲兩淮鹽法道

高勃字禹門直隸房山縣人拔貢生順治十四年任自

明季以來各場新漲沙蕩彼疆此界混擾難稽以致互相告訐勃親詣其地按其界而丈尺之酌數十課爭遂息順治丁酉春淫雨連月埤民不得灘曬幾枵腹待斃勃親訴大吏得頒米穀以賑之每日躬自給散不辭勞瘁全活者甚衆

李景麟字星河陝西韓城縣人拔貢生順治十六年任庚子年自春迄夏苦旱景麟齋戒被濯徒走虔禱越三日雨越四日又大雨禾苗勃興羣頌爲李公雨是秋大稔嘗逢歉歲捐粟賑饑全活不可勝計又市地爲漏澤園以濟貧不能葬及旅櫬之無主者後爲淮

東臺縣志

卷之二十 職官

十九

安分司商竈德之亦如東臺

郭鳳羽字秀儀直隸饒陽縣人拔貢生康熙二年任初謁選得通州分司以海寇故去職後事白補授此官時西溪鎮有盜魁曹永保膂力絕人爲害一方公稔其惡甫下車卽擒而斃之於法咸稱快焉以上中十場志
汪兆璋字芾斯浙江錢塘縣人貢生康熙六年任諸場蝗起兆璋出粟購捕蝗滿石給斗粟數日蝗抱草而死在職九年以廉幹稱康熙十二年重修中十場志彙爲十卷較舊志愈加詳備稱信史焉

張文燦浙江山陰縣人吏員康熙十四年任時巡鹽御

史郝浴自負經濟才屬吏鮮當其意雅知文燦能有
所興革倚之如右手文燦亦勵精勾稽剗弊飭廢
以勞卒於官商民肖像於海門之周公祠以祀之
王兆麟漢軍正黃旗人監生雍正五年任拏茶角斜二
場范隄外蕩地塌沒三十餘里距大洋不遠每風潮
暴發衝漫隄內丁戶苦之會督臣魏廷珍奉
詔估修全隄兆麟力請於拏茶舊隄內移近三四里許建
新越隄以捍民竈計五千三百五十七丈又接築豐
利場新隄三百八十丈其拏茶角斜舊隄殘缺雖多
基址猶存乞併修以爲外護廷珍悉從之

東臺縣志

卷之二十 職官

二十

王又樸字介山直隸天津縣人進士乾隆十六年任下
河由泰壩至東臺水道一百二十里經秦潼大尖諸
河水勢彌漫舊無牽纜之路鹽運往往稽遲又樸請
於湖河蓄洩機宜案內併建長隄以利舟楫議者以
費重難之又樸於水淺時乘小舟自以杖探水知浮
淤無多而底堅如石初非溜沙又檢淮鹽志載楊公
堰記知其地原有古隄遂出已資取泰州濬河土實
於簾假空鹽艘之便投秦潼最深處築之月餘水中
成隄二十餘丈計費丈三金有奇上官悉以其事委
又樸衆商捐輸卒成其功

以上鹽
法志

場大使

明

王世爵四川人嘉靖二十五年任東臺場時海潮爲災
拊茶鹽課獨虧令九場權時代納後沿爲例二十七
年世爵監收鹽課見每桶之外復加小鹽一斗詢得
其情未幾署拊茶場事悉召父老曉諭之因請於大
吏復其原課九場復蘇

虞文悅江西人嘉靖二十五年任丁溪場時海潮暴至
溺死者甚衆文悅悉收骸骨買棺數百具爲文設祭
而座之上臺廉知特行旌異

東臺縣志

卷之二十

職官

二十一

雷濟籍失考隆慶二年任丁溪何梁兩場才調敏贍勤
於任事臺司交口稱之蒞任九年曾無纖毫紕漏人
以爲難

滕紹江西人隆慶四年任丁溪草堰兩場西水泛濫歲
歉民饑紹走告大吏哀求發賑得請復於本處設策
勸諭共得粟若干石存活多人

徐九仲萬曆九年任拊茶場時遇海潮泛濫田禾被淹
九仲率衆起夫督修范隄以障海水潮不得入民獲
有秋

張守仁萬曆十六年任拊茶場竈河淤涸埤民艱於裝

運守仁躬自督工挑濬河流既深闔場利之遇旱荒捐俸錢賑粥不足則勸富室出粟以濟窮民故歲雖凶而不困

蔡一桂福建人萬曆十八年任何梁場長於文翰以理學爲宗倡講鄉約期以德化於竈丁多所優恤催科有法課不失時

湯偉江西人萬曆二十年任何梁場饒材幹加意惠民爲地方計久遠挑濬海河以通裝運商竈均蒙其利慮私販壞法嚴行緝捕姦民斂蹟臺司稱之日能

張釵萬曆二十年任楸茶場時淮黃海潮俱漲地將爲

東臺縣志

卷之二十

職官

二十二

壑釵設方略束薪葦捲從上流投之繼築以土百方捍禦得免胥溺

徐品浙江義烏縣人萬曆二十年任丁溪場西水橫溢倉舍漂沒品築隄捍水晝夜不息泣請停徵窮竈得免流徙

謝德聰萬曆二十五年以廣文降任富安場恪恭乃職在任多所修舉百廢具興人多頌之

張體明浙江臨海縣人萬曆二十六年任何梁場捕盜巡鹽均有良法會訛傳倭警闔場驚竄不逞之徒往往要掠於道體明鎮之以靜卒賴以安

王孟賢江西進賢縣人萬曆二十九年任何梁場時署
宇久頹前此皆傳舍視之至孟賢大加修葺煥然改
觀巡緝有法鹽盜一清

周希堯浙江龍泉縣人萬曆三十六年任何梁場值凶
歲竈丁大半流移希堯多方招撫皆復其業國課無
虧

張松浙江山陰縣人萬曆四十五年任何梁場祈雨捕
蝗皆有靈應於通衢孔道多置柵欄建更樓於諸要
害處以防盜賊尤加意培植名教烈婦夏氏死節自
爲文以祭之題其墓爲請旌建坊

東臺縣志

卷之二十 職官

一一二二

董玉瑯山西曲沃縣人萬曆四十七年任何梁場謙退
和靄雍容如儒者時時與文人墨士觴詠講誦不汲
汲於謀利一時高人多樂近之

張天爵福建莆田縣人萬曆四十八年任何梁場英年
妙才而能隨事盡力善政頗多後以事去人皆惜焉
余文麟天啟三年任耕茶場善催科而不擾徵解在諸
場先私販斂踪盜賊屏迹

以上中
十場志

國朝

徐邦畿字千里浙江山陰縣人順治十八年任耕茶場
康熙甲辰七月初三日大風海水上湧勢如建瓴潮

已抵范隄離場不及三里邦畿急備牢醴躬詣龍王廟泣禱少時反風捲潮去是役也大風連三日夜北八場漂沒埤蕩廬舍不可勝數溺死者以千萬計而耕茶獨以邦畿之禱獲全其感應如此又累年瀕海蕩地塌沒入海竈地日促丙午秋邦畿復率民竈致禱於龍王之神塌沒遂止且日漸淤漲嘗逢凶歲窮竈逋課百餘金邦畿悉代爲輸完毫不取償在任十二年諸多惠政

中十場志

王志敏浙江慈谿縣人順治十八年任富安場歲旱蝗捐俸錢賑粥糶米以惠貧者設立義冢惠政甚多

新增

東臺縣志

卷之二十

職官

二十四

孫士德字我成湖北黃岡縣人康熙十年任草堰場本場蕩地奇零無定產每歲之春丁戶集場治聽官派業士德以小民恒產當蒙業而安官或高下其手必啟爭端迺力請計畝均分各安各業上官如其議康熙十八年旱運鹽支河盡涸士德爲借潮濟運之法一時鹽艘驟通

新鹽法志

蕭錫祚字培元江寧縣人雍正三年任安豐場清廉自守倡修奎星閣

曹辰宗安徽當塗縣人雍正六年任草堰場以勤業守本爲丁戶勸本場有社學一區屋敗不蔽風雨春秋

拜跽道旁辰宗捐俸倡修竈戶翕然助之有不足辰宗又自鬻產千金場人感焉立祠廟側
林正青福建侯官縣人以京官降職雍正十二年任小海場恤竈撫商外修社學以課士教民樹桑以課女紅采輯文獻專修小海場志而海濱風俗爲之一變幾有文翁化蜀之意士民至今感之

郝月桂河南襄城縣人乾隆十八年任草堰場適湖水泛漲河隄崩決民竈大災請賑未得乃面陳災黎待賑情形至爲泣下上官動容因以入奏又海沙新淤產草漸豐請奏陞科以廣竈煎設正心書院捐給租

東臺縣志

卷之二十

職官

二十五

地爲師生膏火費場士感之建景行堂院中志不忘

焉

以上新鹽法志

張增謙字晴崖安徽合肥縣人乾隆二十年任梁梁場居官有政聲尤重文教嘗捐俸一百二十緡存富室取息以爲本場應省試者卷燭之資至今猶利賴焉
張廷炳字杏莊漢軍鑲黃旗人乾隆二十七年任安豐場時義學廢廷炳清查社田以所獲租爲士子鄉試費三年一給貧者則捐養廉銀以助公餘喜爲詩有吳地東南從此盡海天風雨入秋多之句載胡西垞得朋集後爲新安太守

張起汶字耀齊漢軍正白旗人監生乾隆四十八年任
安豐場事母孝與人交不以私遇歲旱嘗披髮跣足
率士商虔禱於壇卽大雨

趙琳字永匏直隸天津縣人監生乾隆五十三年任安
豐場性耿介嘉慶二年濬竈河掘土如石衆曰此主
疫不利請止琳禱於神曰願疫我工不可輟果事竣
而琳歿矣

以上
新增

高秩顯爵而賢者國史書之下僚末吏往往弗傳
傷已不知親民之官其惠易行何勗所以願爲劇
縣不願爲臺閣也其事烏容沒哉他若司鹺之職

東臺縣志

卷之二十

職官

二十六

雖無與民社然而可以利用可以厚生催科不擾
撫綏以時足民足 國之道無逾此矣故並傳之
其無可傳者悉繫於表